

陶

山

詩

錄

陶山詩錄卷十一

善化 唐仲冕 六枳

崇川二集

詠鶴篇八首

聘汝於海上書幣以將之為樹幽棲棚先采明玕枝如
何雙雙至值我交替時妻子尚遣歸安能無汝離
人言獻貴人可令貴人喜貴人多清高豈必愛文綺但
恐非汝願矇矓反為恥不如寄僧寮飲啄聊復爾
汝住如羈雌我行類飛鵲三匝猶無依一飽安有託頻
寄典衣錢免歎空倉雀聞黎不世情粥魚慰離索

離合本無常。旬日亦有數偶從。水娶游忽問蒲溝渡。相見方色喜相辭。又匆遽欲載舟不通。攜琴上車去。

二月如通

州事五月重任十日又受代去

驅車上淮壩。冠帶觸炎暑。念汝自幽閒。何時結伴侶。重來復奉檄。先問豐毛羽。屈指兩月期。我骨瘦於汝。

七月復任

州通

傳舍無久暫。良緣豈信宿。碧梧翠竹間。乞爾為湯沐。重

編麕眼籬。喧卑謝雞鶩。水枯食無魚。求之自井谷。

憶汝春初來。余病未能起。扶杖觀其神。霍然跛能履。豁我眼前物。除我膈間痞。一以為良醫。一以為知己。

汝水雲霄姿何甘在樊笈我亦不羈人局促轅下駒好
爵不足縻況乃稻粱圖逝將抱汝還長為山澤臞

得雨述夢

長淮鎖斷重湖竭江潮不排五山閼縱有三里五里濡
難解千家萬家渴昨夜餘暄鼓蚊雷霎時有泮驅禿蛟
衆壑傾盆樹濯枝小沼添波魚响沫滿坑滿谷氣全吞
注川注谿流畢達或言民命在木棉深恐沉陰致剥脫
差幸無風勢尚平若果為霖利乃奪肺病兼旬颯颯寒
心齋小坐栩栩活神遊阿母清嚴居貝闕軒軒門轍轍
粉版赤文東壁懸讀之朗朗見題跋曰天曰孃尊且親

為教為養首至末默思富媪育羣生道曰天仙釋菩薩
關心淫潦同亢陽稽首收龍入金盞侍姬從旁可其請
辟後鳴聲似鈴鉞覺來簷溜已春容窓外煙林叫鷓鴣
明朝乘霽探水門甘露滿原傳襖襖

雨後行鄉

秋實遮無地途甘雨後漿小溪羣鴨喜高樹一蟬涼婦
女寬簷笠兒童短後裳新棉方上市採摘故應忙

月夜赴江口二絕句

匡牀無睡怨啼鴉且喜肩輿客夢賒忽聽前村人語急
四更燈火賣棉花

南風五兩為誰催
潮打江船船欲回
曉日上帆風乍轉
狼山北去福山來

舟中遣興二首

天為西成掃宿氛
陰晴不向一江分
斜陽挂樹山如錦
淺水添潮浪有紋
蓼未全除瓜卧地
風纔小勁鷗盤雲
一篙夜泛虞溪穩
睡到吳門日又曛

渡江秋色上輕舫
莫管繁霜滿鬢毛
敢事上官希進擢
且容老子暫遊遨
斷橋夕照漁罾密
疎草西風牧笛高
堪羨竹梧深處屋
有人沽酒正持螯

九月既望為艾齋弟五十生辰

同懷三弟兄維我居其次伯兄長十年季弟後五歲合
家數生辰皆在秋之季慈親憐少子湯餅脫半臂入塾
遞相師傳衣不更製中年各分張辛苦為生計薄宦羈
吳中來省或小憩每遇懸弧辰未作採英會今秋稍憇
喜千里共姜被謂弟開六袞當共飲且醉如何謁行省
歸期尚難筮况兼病相尋彌覺官為累人苦不知足何
必高爵位相保到白頭三老共遊戲

送張菊溪師

百齡

廉訪入

觀四首

有序

嘉慶丙寅

上既起公觀察閩海公明年

詔遷湖南按察使尋改江蘇讞獄浙東西奏當乃抵牾
先是公泣吾楚及浙粵滇黔皆以錫強植善威名流
播吳吏民聞其來皆悚息公至則開濟明豁養以兩
風自守令以下莫不恪恭勤職三月而吳民愛戴一
如前所治唯恐其行之速也頃之

召入咸知

上意將復畀以節鉞而不勝區區之私望其重來者無
貴賤皆然仲冕受知最深不敢襲察吏阿諛之詞謹
指事載實寓詩焉以摠情懷云

民曰休哉

帝曰俞治功第一屬通儒王尊方略傳三老汲黯威名
動八區

宣室常思天北極鋒車權指海東隅恭承

聖訓能增益永矢臣心冰在壺

憶昔初行問俗驂神君布化自吾潭政除稂莠培禾美
民向風霆得雨甘肅到夜漁江以外裁成髦士斗之南
曾聞案牘紛紛掃岳麓峰頭好句探

荆湘總制倚名臣江漢風清疾若神行路盡知公活我
登臺咸與物為春

朝廷下詔徵侯霸父老同聲借寇恂最是部氓今屬吏
十年懷抱一時伸

三月金閨靜不喧具區千頃氣金吞持平莫訝暴公子
改行能容許仲孫興在漁竿秋倚棹歌傳鴻渚曉攀轅
香山玉局諸生仰叨侍題詩木葉村

公有詩思到漁竿
及木葉瘦圓村之

染鬢戲成

以松子為煤
塗鉛梳梳之

繁霜飛上勞人面太藥難留年少髭且覓山中赤松子
便呼鄰下黃鬢兒鉛槧自嘲元尚白風塵翻喜素為緇
甚欲長吟不敢然兒曹莫恠久無詩

題郭華野先生遺像

先生起家吳江縣至今興誦猶思戀人言初政非廉平
遇湯文正始為善汲水千僮沃其堂三年政成應卓薦
吾言此事朱必然焉有墨吏為邦彥後居臺諫專封疆
風節不因摧折變倘非立志早堅貞保無觸衲生婉孌
余見先生圖八幀丰骨清剛意閒晏有時道服理幽琴
花間一鶴鳴春院有時棹舫歌吳娘濯足清流衣履濺
或倚楸枰著子遲或拈桐葉題詩偏是何襟素超凡倫
斷無俗態經暝眩我亦曾為是邑長青天白日你題譔
撫躬難繼名賢跡展帙猶窺古人面作詩一洗傳言誣

益信所聞不如見圖者邑人畫師顧康熙丙寅成此卷

舟行遇雪

戊辰

立春前一日雪花猶六出於冬宜屢豐視前更加密前
年雪不降去年旱可恤木棉雖繁昌杭稻無桎粟水涸
舟不通斛米錢陌七亟請通江運聊以濟百室關隘既
多端風潮亦難必臘見同雲敷農占三白吉益以霰霖
多漸看溝渠溢米價便低減河流亦溶洑趁歲方揚舲
飄飄又封葦衰病未能休裨民苦無術天公愛羣黎霧
霧抵萬鎰

舟中立春

冬雪尚在地春風先到船水生冰泮後人發雁歸前舊
燒含煙碧新韶帶酒妍長安多問訊為折驛梅傳

海舶吟次黃鏗山明府

湘寧韻

一別十二年幾舟喜同載頗疑江海通迥異溪河內初
登遇逆風相戒欲迴隊颺定任帆歌浪平如鏡對倚柁
話平生擊楫想前輩中流尚未驚前岸忽已逮柔櫓傳
咿啞苦霧收黥霽日余頻往復震盪或唾欬貪程出畏
塗恐怖生罌礙每經波大作急流思勇退今偕叔度遊
穀紋苦紆佩潮上忘鯨喙山橫信鰲戴躁心為之平不
言勝於誨往跡懷鷗盟斜陽送鷗背涉世如涉川夷險

由憎愛此中息風濤底事勞肝肺君言渡楊子恬波今
已再持此監於民自有佳政在示我海舶吟瞻覽起頽
廢

自西郊至白蒲勘浚河深淺

居官治水利善建不可拔苟非信而勞雖令徒強聒州
為煙水鄉舟行通海濶去年忽嘆乾鹽米無由達權宜
請江運風汎或阻遏醯賈事疏濬鉅萬供指撥茲非鹽
所經民情多盛頽姑召業與佃食力共隱括聊浚淤泥
淺漸使流波活入春雨雪交如漿澤枯渴涯新集舳艫
價已平粗糲循行測水深恰渠游獮獺雖同溝漕盈恐

為晴霽奪溯源自長淮已似衝風末頗憂勢稍高又慮
濤方割計惟引江潮旱潦設提閘無德孚吾民舉事戒
輕脫長願足三篙開濟待明豁

峨眉積雪石歌

峨眉之高高絕天上有積雪垂千年盛夏赫曦稍融釋
下為長江吞百川造物神奇既磅礴約之又約為一拳
其高不過尺有咫其大僅若陶家甕元冰精鐵作筋骨
單椒峭壁今顧肩峰巒無數爭向背梯棧欲斷相鉤連
高寒不可以逼視皆有皓碧凝其巔穹厓匝陰有落勢
瀑布合凍當空懸五丁斧不能削冰明彈粉難為傳

神工肖物無大小未知山石誰居先後先題識兩文敏
謂趙子昂
董思白非有椽筆何敢鐫供之軒窓日遊覽一洗胸
中煩熱緣

次韻秦學博

智缺

監視育嬰堂

投嬰於坑厓行道傷其忍孺子入井中乍見猶惻憫博
濟難為克推納任在尹民可使由之誼美由恩明良法
有流弊其責在奉行有舉莫敢廢何可居其名因噎豈
奪食雖噍無輟耕盡我懇懇意喻彼蚩蚩氓此堂三十
載已歷千萬嬰計惟立之限庶可求其生我慙慈惠師
君有安懷志教養本一途保息聊小試善全骨肉恩當

發胥徒憐寄乳常驗潼擁樹先獎勩目前或驚疑久之
為美利集益廣衆思流行速於置為語諸父老顏共篤
斯義

小寒食試院作

杏花滿園春意盎童冠襟衫來個儻天公有意作寒食
深院通宵檐霽響門前鵲立愁霑濡魚貫入門忽開朗
小試祗如尺木階亦有風雨增氣象況當節近百五朝
佳辰良友共欣賞是時恰值三月八南宮逐隊憶疇曩
廿年頻踏軟紅塵四十纔題淡墨榜席帽雖登燒尾筵
衙鼓長排問事杖計偕今日屬兒曹列坐同時集少長

紅綾餠餒老猶饒白粥香
錫食宜彊局戶拈題趁晚晴
却羨春水看花泛雙漿

清明感懷時方局試仍用小寒食韻

柳枝插戶酒盈盞裙屐風流正清儻如何下鍵軒窓幽
況復帶雨鈴索響軟掌何堪玉尺量塵眼難為冰鏡朗
三友兀坐窺孤羆千牘紛披求罔象都將花事付冥搜
縱有詩牌成獨賞鷓鴣枝邊感自今鷓鴣山頭記從曩
陶山為鷓鴣山垂白多違兩舍雲焚黃僅植墓門榜夏畦猶得
飛紙錢春暉枉自夢鳩杖昨朝兒子寄書來報道松楸
傍巖長公車拜掃豈可常少游有志誰相強捲簾草色

碧連天得歸便放五湖槩

江口大風

江水平如掌江船不肖開果然風暴起直駕海濤來繫
纜舟難定搖空樹欲摧阿誰衝浪出早覺壯心灰

懷鶴篇

欲為別鶴詩余則偕鶴往鶴去不復還余歸重懷想念
昔汝初來余病方偃仰尋當解綬行留汝依方丈垂至
伴衙齋秋庭挹清爽碧桐翠竹叢明月照披氈所苦一
畝宮不稱九臯響金陵勢鬱蟠名園延蒼莽送汝居其
間高曠愜幽賞主人有報書風流特崇獎顧我坐喧卑

憐汝得寬廣慎毋學豫種亦勿戀盆盎著身人世間濶
狹總塵網果然寥廓翔豈愛鐘鼓享

得雨

求雨如求金卑辭求見信望雨如望糴米車喜發軔金
固不可食糴亦偶相賑何如三日霖惠我十千畷入夏
久苦晴當暑又逢閏曬麥尚宜乾蒔秧竟無潤空令枯
槁懸難議畚鍤濟小民涓滴爭長吏愆咎引吁聲應上
公狂舞倩童佞溺雲期厚集虛霆恐先震未沛訝停驂
初來喜迎儼昨朝忽効薄半夜更騰迅萬斛飽帆飛千
騎銜枚進窓几閒無曉甕盎滿一瞬豈惟濕蟹螺直欲

起蛟蜃視土盡成膏監河預傳汎我乃如窶人琛寶獲
充牣

廳事閣成

堂上遠百里堂下遠千里兀坐小閣中何以拓聽視撤
除恐非制恢張斯為美但令廊有容仍崇儉不侈皇然
坐聽事訟牒理填委民隱無由通召之立階几吾志苟
昏惰勿憚衆手指思過或閉扃見心惟洞啟廣已而造
大與民自今始

檢泰州民陳松年骨

身後無痛楚飾終惟骨肉如何圖剝仇先忍事殘酷父

母弟妻子請檢無退縮被符詣鄰封何意翻前牘抵罪
況有人開譬乃彌感豈果負沉寃體解頭至足其法當
烹蒸其狀極慘毒映以黃油繖貯之白板櫝誰為索隱
才但憑洗寃錄此書傳自宋亭疑當熟讀因思在前古
覆盆奚自燭瞻傷且察創得情忠之屬

宿野舟莊僧舍

一僧偏占寺兩屋不成莊小砌花迎客疎寮雨到床衣
裾沾胸認燈火舞蠅娘似有敦龐意人言是互鄉

省鶴篇

美人別如雨珍物弃如唾此中非超然雲煙瞥眼過於

鶴獨難忘此障猶未破豈期更爽盪受吊不受賀雙雙
以俱來落落餘一箇園池既深廣飲啄有跼蹉竟尋彭
咸居誰下巫陽些存者似愴然獨立殊寡和我來感別
離起舞猶頻挫諦視尚有情況常親晏坐乃知臺榭高
不如依馬磨乃知服御華不若牛衣卧古來泉石人豈
羨升八座寵之適戕之棖觸意無奈

腹病四首

藜藿充腸合入林素餐那免病魔侵勞同驛騎塵偏劇
暑患河魚氣欲沉有肉食單難適口如珠米價最關心
一從別鶴餘空柵愁對衙齋挂壁琴

欲憑卧理學南柯其奈才非長孺何親滌有兒嚴萬石
頻遺任客笑廉頗偶聞牒訴思料理莫認呻吟當嘯歌
藥裹且停惟問卜良醫無處覓秦和

塞鼻本無蠻婢侍更衣恐有廁神遭消磨文字徒撐腹
浸假輪蹄欲化尻足弱待支扶老杖鬢疎懶試染賢膏
闕門堆案多酬應勉攝衣冠問議會

徐沈由來別肺脾陰陽人事況支離駕鶴江上無消息
松菊山中有夢思月墮曉風窻欲語秋生暮雨枕先知
吏民倘有憐衰白容得歐陽索句時

龍潭道中

伏盡秋來暑未平擁車山路看雲生可憐巨浸為河患
尚有焦原望澤情稻葉綠爭分界雨蓼花紅占隔溪晴
早涼近午炎蒸重愛向前邨樹蔭清

邀孫淵如觀察楊存齋明府

宣之

方虛甫司馬蔡

伯海文學飲隱仙道院王樸山道士與馬得詩

二首

不信清涼境到來殘暑除黃冠猶識我元髮已輸渠招
隱山中桂游仙花外車蘇門愜幽討長嘯意何如

共尋彭澤菊來寬羨門瓜舊雨方虛谷新銘蔡少霞買
山先結友弔海台停槎盡飲莫辭醉何時重看花

郊行

滿原秋事了。畦麥雨初霑。茅屋淨如掃。菊花高過檐。犬隨人並出。鳥向廩爭覘。婦孺相環繞。風來轎揭簾。

五十六初度

疎林落葉報秋深。作惡情懷病又侵。攬鏡鬢眉愁對面。聯床手足夢驚心。底須來日茱萸插。最苦中宵蟋蟀吟。初度年年風雨慣。不堪聽雁却從今。

八月得艾
齋弟凶耗

九月十五日

九月十五日。吾弟之生辰。去年度五十。吾方客吳門。今年值此日。余亦旅江濱。而弟已即世。永為地下人。地下

豈有人此說吾嘗聞是日官文書月蝕當未申日入始
見月未圓猶半輪地底有日月應自有人民第如在地
底亦復無苦辛獨使衰病兄欲見無由親去年作詩為
爾壽今年詩就空傷神

秦郵道中

田廬患水溢河渠患水窮隄堰患土竭河渠患土壅我
聞西北積高開鴻濛移高就下真神工故令黃河發源
星宿出龍門萬里砂石挾之東東奔日夜無休息填輸
大海如行空氣不能舉或橫瀉便為平陸堆成封瀆之
義為獨不可使旁通溝合江淮已失勢淮黃安可強而

同清濁既殊強弱異異則各適同則攻導河納淮河反
劇障淮敵河淮轉洪河泥到淮不到海淮湖雖廣安能
容淮急啟高堰淮揚當其衝河緩奪清浦疏渠召羣傭
甓社湖頭檣戢戢文游臺畔塵蒙蒙都水使者高勲庸
不過引清刷黃藉黃濟運旦夕爭彌縫轉漕中都豈無
策還水土性斯禹功

贈畫史翟琴峰

繼昌

平生不能畫頗識畫中趣我亦不識荆關董巨南宗北
宗之家數但覺氣韻佳自有會心處嘉興吳竹虛孤高
為雅故屬將自少至老可喜可愕之事一一繪為圖期

年而成乃化去後來續者非其倫往往開卷見乖互吾
友春溪為我言有弟琴峰工絹素欣然為補近事冊澹
遠如與竹虛晤又寫滿城風雨邠老句如聞颼颼瑟瑟
披紅樹及作潮平風正圖翦江駕海空雲霧如此起詣
如此才胡為乎坎壈纏身少知遇春溪求我歌欲為君
延譽我詩安足重君名君畫傳時我詩附

舟中夜坐

舟小欹難定天寒卧不成魚龍催雨槳鴻雁叫孤檠
白月無影蓬低霜有聲病懷深似水翻覺萬緣輕

自題乘槎亭觀日出圖

亭名始見坡公詩建亭之處人莫知我於龍洞讀宋刻
亭在山頭與海直龍興山東燭龍起山下沉沉夜未已
波光激射梁柱紅如見坡詩畫圖裏獨憐詩和陳海州
陳公名字難搜求山亭頗似峴山在湛輩足跡誠悠悠
聯吟蘇海尚如此寫照秦山徒為爾圖中石壁掃煙蘿
笑將題筆當摩崖

咏懷嵇山文學貴行几

嵇山夙擅巾箱學中年橐筆運帷幄傳舍賓朋少供具
行櫛坐几親為斲分兩方匱排如廡合四夾板架成權
橫陳批抹身堪凭點檢收藏手可握暗將局鏑護兩頭

緋巾安硯壓其角行時發篋付肩擔坐處一床隨地卓
祇緣手製由心裁天然利用無彫琢慕而作者沈休文
中含蘊藉外渾璞我於刀筆篋篋中賴君坐嘯時捉搦
悟茲方直能卷舒亦命規撫事削劂隱几誰人解嗒然
行窩幾處得安樂此物寧無駐足時便擬攜歸謝剝啄

喜雪疊韻二首

天公終慮麥田空忍使吾民賦二東翦水若教平地赤
本公逢年應積太倉紅探看玉馬融高閣舞罷商羊報
羊傳短童病枕喜聞池鴨語真如淮蔡夜投弓

造物不居歸太空況蕪斗柄又將東中宵積素堆窓曉

明日宜春帖戶紅殘雨凝膏皆片片同雲擁蓋尚童童
江山一幅王蒙畫鉛粉從新著彈弓

迎春之夕雪復大作仍臘雪也又疊前韻

細雨跳珠復鏤空飛迎青旆五雲東依然六出堆成玉
纔許羣花取次紅簪勝華顛忘我老統梅暖谷變山童
來朝要放新晴好傍晚開窻月似弓

立春日錢兒自長沙至並示鑑兒

客春歸計決舉室先南行旅宦忽遷延更苦痼疾嬰省
侍留一子來往如踐更次男應秋律長男趨春明少子
不讀書新婚了向平固應遠來謁晨夕慰離情今夕復

何夕快雪當春明衙齋宴賓友親戚聯甥舅更有故人
子謂黃本驥新舉我其纓將來有鄉味酒香聞洞庭客散詢
家事姑婦善治生諸孫除疥癬頭角皆崢嶸敝廬蔽風
雨尚有田可耕不願入官舍但願還柴荆會當車挽鹿
遠勝喬遷鶯

除夕感懷二首

素慕歸來興偏驚報最書事隨官燭換年逐曉鐘除知
已衰難副從人壯不知寒宵宜煖熱終戀舊茅廬
亦有親朋聚同園楮枰盆却將衰暮淚灑向脊令原駒
影真過隙桃符又帖門少游曾握手勸我返鄉園

金陵憩書樓上元二首

邸舍依城址，誼譚隔市南。却聞簫鼓鬧，遙佐酒杯酣。
擁青藜杖山，窺碧玉夢中庭。見明月千里，印江潭。

菟裘違舊土，鵲角憶諸孫。笑捧浮圓盃，春生插柳門。
宦遊成皓首，衙罷近黃昏。邱壑懷遺俗，今宵燭有痕。

廿鄉上元

夜設燭先
擺前故云

哭張甥翱

衰年易為感，新歲哀吾甥。令原嗟已矣，渭陽空復情。
同懷只一姊，長我幾廿齡。姊夫侍吾父，受業為明經。授余
以句讀，相對一燈青。自出僅此子，日祝易長成。少小頗

通敏似舅人爭稱無何失怙恃喪偶身伶俚攜兒來江

南依倚頻沾膺課之理舊業詞賦追先型陳

士無
雅邵恙並

名宿贊賞推時英小試輒不售感激垂脩翎因為娶小
婦纔復添一星遭疾竟不起賁志目難瞑我出僅旬日
何意隔宵冥去年哭吾弟幾致沉疴嬰那堪念姊懷說
與離孫聽

題吳天發神識碑

嶧山碑經野火焚泰山刻石亡斧斤祖龍文字雖奇古
遺壁空說瀉池君吳皓淫虐浮於政小國亦侈封巖文
國山未禪巖山刻上天帝言山出銀天璽元年來月朔

費雱行視華覈聞其年陽羨表石室明年天紀紀功勲
是時臨平湖開石印發一千二百八十符瑞何紛紜五
稔青蓋已入洛三段殘碣徒埋雲獨有皇休明小篆妙
入神此碑險勁復沈著一洗東京軟美氣習追先秦歷
千五百有餘載自山轉徙親香芸籌思亭後幾再礪尊
經閣下宜三熏如何歲在乙丑之舉月諄諄出出起束
縕聖人意蓋誅矯誣燔之俾與臣斯泯日余宰臨津善
卷洞側摩米固今得此碑火前榻猶識竹根釵股春潮
紋惜哉如此筆胡弗寫皇墳詩題炯戒忽發慨若令長
在山谷今猶存

宋拓聖教序

釋教從西來闡譯自澄什紛紛南北朝蟲豸爭翕習貞
觀崇王風褚公司獻納胡弗事斥遠而反効哀輯如何
三藏文六百餘五十即以彼法論語言亦剿襲御序玉
華宮臣書慈恩塔公卿既潤色太子復煖答因之不一
傳金輪擅宮閣元和號中興佛骨迎梵衲高祖議草除
詒謀惜未立我讀序與記治術何龐雜此為逸少字出
自懷仁集院體雖無奇筆法未可及況為未斷本約畧
宋時榻偶見為傾囊臨摹置行笈但寶名儒書莫問僧
家臘

有鳥

有鳥名雅聲甚惡如欵如譟如喙主人肺病聲相薄
鳥聲雄厲人聲弱主人告之曰喉間水雞苦膈膈食不
得甘眠不著朝暮聞爾強聒耳涕唾交頤謂爾虐盍改
爾聲為我聲代我聲歛入寥廓酬之以米曰一鍾腥脯
橫陳縱爾攫若不用我言飛土逐肉古所作鳥乃以臆
對其情若相譖鳥惟不貪此脯糗翔林豈類燕巢幕鳥
惟無觸乎網羅遠害何憚鴻雁繳物不得其平則鳴韓
公此語真成鑿鳥自發乎天籟耳安能效人中懷灼況
乎圓吭巧舌如鸚鵡鵲流鶯與黃雀往往為王孫公

子三尺兒童之籠絡曷若音雖未中於宮商言或致訝
其蹇諤一任南人北人之憎愛不敢爭名向野鵲三年
不鳴人所難無病呻吟鳥亦忤主人聞之啞然笑潁川
之鳳原假託翩彼飛鴉懷好音何必飛去他處樂歌呼
烏烏勝絃索

三月三日觀燈

堂上一枝燈民間數點血我每誦斯語為之慘不悅通
州富燈火多在上元節余輒詣郡朝三年慳一幣今當
板楔辰簫鼓助喧熱翦繒雜花垂難燭明星列或為廣
寒宮霓裳飄綵纈或為蕃釐觀羣芳聯娣姪阿母朝入

仙蟠桃大瓜映白彪蹴金山水族行蹙薩俄而笙管嘈
更有旗蓋揭飛出一丹珠翳魄露權準闖然玉麒麟高
竦礙淩祝肉角燦紅霞金鱗霏紺雪環擁若火城趨蹌
似綿繭想從禁煙生白打趁芒茁季春行時令榆柳資
炊燕麥秋新霑濡陽和利宣泄照夜至丁戌謹呼及倪
耄而我獨愴神雍門感嗚咽欲隨物情譁深恐民力竭
况喪弟與甥憂來不可絕人定悄無眠殘釭見花綴

行鄉書所見

村農燕子鬧紛如意趣雖勞樂有餘打麥聲中聞布穀
銜泥影裏見春鉏午風綠樹留人坐斜日烏犍戀水居

山詩金卷十一
頗愛枇杷新上市
啖來能使舊疴除

送劉姪歸里

見姪如見弟
姪見弟永訣思弟愈
憐姪春來夏又別
弟亡姪當門俯仰重
一身自無久客理
奈此將離辰
姪行不可留
淚落不可收
庭前鄂不謝
階下文無稠
我官當知止
樹立期後起
姪能儉且勤
吾弟為有子

枇杷二首

櫻桃宴罷摘新晴
獨冠時珍香更清
嘉果欲題淳化帖
大珠錯認樂天行
鳥驚金彈垂枝重
人訝黃梅著齒輕
莫倚梧桐誇鳳實
疎林晚翠讓誰榮

上林博采未須刪品在楊梅荔子間詎信東坡說盧橘
好從青鳥問箕山盤堆顚顚丸疑蠟手擘津津味異蠻
齊民要術廣州有橘曰盧橘以五月
熟色青黑味酢則盧橘非枇杷可知我為無憂肺家果
色香仔細認江關

題懷嵇山抱膝圖

人生不可負此膝此膝一屈無伸日何如披襟向盤陀
抱之長吟太虛室君家世系本無懷蕭然布襪和棕屨
擁書自少穿其榻橐筆不羨官殊階料理青山幾兩屐
往往歌聲出金石捷足羞他臧獲顏攝衣老作諸侯客
顧我折肱經歲年年來拊髀思林泉東坡隨身祇自歎

南窓寄傲推君閒元箸超超行看子蒼顏獨與雲根倚
自言不敢擬隆中曷弗橫琴一鼓嘯而起

雨中泛舟

聽斷桔槔聲炎風一陣清浪花爭雨出岸草夾舟行饒
婦牛同返漁翁鷺不驚鹽亭水味惡掬取入茶鐺

和趙味辛司馬

懷玉

送別

折簡遲不到挈舟今忽來誤傳得替日遙赴送行杯小
別獨珍重真詩無翦裁江湖足娛老難忘是燕臺

迴舟又雨

好雨不嫌數迴波深可游隸人喧履齒舟子濯船頭枉

渚浮孤舸歆崖瀉衆流頗勞牽挽力溪樹尚呼鳩

興仁鎮贈秋山僧

憶昔吳門宰相逢鄧尉間羨君先退院笑我未還山
鼻觀留香雪頭銜媿白鷗衝泥緣底事清曉叩禪關

送長兄南歸三首

梅雨一晝夜溪流到柴扉津通舴艋入雲散駕鶴飛
吾兄六十七三載情相依考滿合更替故里先言歸
方苦塵容瘦恰趁波影肥握手臨清流蜻蜓上葛衣

衣葛更裝棉近海五月冷因之感衰齡忽復傷逝景孔
懷隔宦遊既翕同鄉井季弟嬰沈疴一別淚如綆惟餘

我與兄相對輒耿耿兄又攜鳩還行飯遥祝哽我如馬
失羣懷歸未能騁

老驢志千里那堪疲病兼雖蒙孫陽顧筋骨終自嫌兄
言當努力我去行復詹豈知官舍聚不若邱園恬松楸
缺祭掃歲月亦已淹人生能幾何霜雪各滿髯及時賦
歸來同話舊茆檐

有鳥四首

有鳥將其雛旋出復旋歸歸銜所采餌哺雛使忘饑羽
毛漸長成習習翔斯翬相期丹霄上其如風力微雖飛
未得高差勝不能飛

有鳥飛成行序不隔雲海隨陽輒橫陣旭日照光采燕
雀不敢欺鷓鴣若相待如何稻梁謀致令徒侶駭頗虧
鴻漸儀母乃雁奴舉

有鳥志凌雲衆鳥之所託孚化而翼飛啁啾就安樂病
翮慙翺鳳幽棲愛疎鶴深愁辜卵覆何意誇寥廓迴頭
謝衆鳥吾情類巢幕

有鳥出繁林高翥中繩準羣鳥爭養羞高墉占射隼往
往嬰矰羅黃鵠動深憫矰羅無時無養羞有時盡故山
多嘉樹晨風助遠引

雲臺山僧源性來惠山中藥物五種

何首烏

山僧七十四鬢髮皓如雪日副交藤根姿顏應茂悅千里遠持贈授我長生訣衰白豈可迴華顛猶就列

五加子

郁州南方山移入東海國鍾茲五車精結實經霜黑合煎神仙酒能反嬰兒色如余不能飲留種藥欄側

雲霧茶

東海雲霧山絕類蒙中頂未克攀重巖何從得半挺忽貽驚雷英隨煮活火鼎雨窓共啜時香氣接溟滓

葛粉

曾騎海上鹿言采山中葛采葛采其根屑粉療飢渴一
別四五年庚癸懷檀褐開函重瑤華沉復傳香鉢

蕨菜

吾本山林人愛茹南山蕨肉食涸蔬腸拳拳記巖窟胸
山煮春煙旨蓄歷冬月一筋分八關枯筇隨布鞵

次韻寶應僧圓孚惠蒲團二絕句

江路仁祠偶一參跣趺健羨老瞿曇年來兀坐嫌茵褥
乞與蒲團欲結庵

絲鬢相憐一榻空檐來深荷剪裁功却疑官樣施紅綺
頗與僧伽賜紫同

七月八日胥江遇雨

放櫂山塘傍翠微
親朋把酒送斜暉
雙星夜渡銀河水
一雨寒生白袷衣
江上菰蘆秋到早
天邊鴻雁信來稀
衝煙催起還家夢
白下僑居便當歸

七月十三日抵金陵寓舍二首

泛宅江東感歲華
官閒直欲住煙霞
堂前合舉齊眉案
階下先開洗手花
客裏經箱堆草閣
秋來穀板度星槎
儒生不識孟蘭會
但采蘭蓀薦食瓜

營巢何計倚烏衣
眷屬團團且暫歸
通籍兒方登玉署
含飴孫共舞香幃
筵開湯餅逢生日
風動莼鱸愛息機

不分鳴騶催上道小園親課晚菰肥

請急雜詩十首

數椽聚家累一病與身經秋熟猛於虎晚涼清入蟬
勞人無佚理兀坐似安禪藥餌徒為爾膏肓在石泉

病勢遲遲去秋風颯颯來雲陰橫過樹雨點大如杯
木葉和煙墮蛩音入夜催衣衫添復減將息似嬰孩

陰霾時一豁疴癢日三熏桐滴階前露蟬鳴竹外矚
鼎聲僮淪茗燈影婢縫裙夜漏愁無準晨雞喜乍聞

弄孫時作笑謝客或逢瞋銀鹿求新僕銜蟬覓近鄰
晴宜丸藥曬雨為種花勻密邇楊雄宅

謂楊存齋秋畦色色新

移蘭裛朝露剪樹出秋雲屋傍方塘築牆從北舍分手
題銘座帖兒課制科文昨夜書舩到先排辟蠱芸
所患非徒腫因之不出門甚貪低手著詩怕細心論晏
起忘朝鼓宵眠減夕殮兒曾出游覽歸述到黃昏

雲添松樹影月上桂花叢砌密菱秋草林荒剔夏蟲藥
尋蒼耳子鳥話白頭翁何處生香滿開庭送晚風

橋記老人星清羸媿此形浮家齋是舫扶老杖宜銘最
喜市闌遠曾無車馬經街頭聞笑語瓦卜到秋靈

忽有登臨興將舒衰病顏五更聞細雨聲在草蟲聞露
溼蘭心冷雲深鳥夢閒出游無定約秋霽更須攀

秋花紅更艷秋草薶還生造化總春氣榮枯隨物情
黃風漸緊露白月同清流水樓鴉外高空鶴一聲
孤枕高於几秋宵睡未安貪看月色滿忘却露華寒
餽節開新榼分甘拭小盤醫言慎飲食不敢勸加餐
一日不衣冠朝靴著漸難頭風嫌帽窄脚氣愛鞵寬
尺牘慵披荅刀圭費檢看自來宦興淺非為辦裝闌

修屋後牆

牆內架一樓樓高牆愈小牆外買一池池寬牆欲倒此
牆不興築此屋非完好環牆皆比戶豈慮生竊標撤土
聳瓴甃聊以避水潦規方得百弓隙地添重僚牆頭穴

瓦窓閒雲度清曉牆脚立石塘游魚唼秋草畦蔬付園
丁洗菜任鄰保短垣不可踰柴扉閑宜早行人隔水窺
笑我須眉皓雖無潤屋貲可以事却掃

自況

瘦骨珊珊如病鶴秋風乍起霜翎落肌膚枯似六朝松
白皮蒼甲苔錢著又如顏公柳公書筋節嶙峋極雕削
憶昔少年時人稱碧鶴雀未老先皤然鳬翁立略約文
辭鈍似上水船詩格低如下山屨半世功名騎土牛終
年勞碌薪車脚官似疲驪度太行行來中阪渾能却疾
同沸鼎水火爭心是古井波瀾涸惟餘結習未全除讀

書欲向屠門嚼

秋日登燕子磯至永濟寺觀鐵索練孤舟

人生養疴閒閣不出斯已耳出必登眺奇山水一邱一壑奚足云煙雨樓臺何處是龍江江頭燕子磯四十年前舊攀躋薄宦江南十七載如馬欲騁為人機昨緣受代想游息病腿未敢踰門闕朝來忽覺木樨香發興來登紫翠岡岡阜嵯峨鬱相向十步三休掖而上落木低飛白下門驚濤遠挾黃天蕩宦海風波劇於此依人作巢惟燕子陽侯鼓浪日擊撞屹然不動中流砥眼底煙雲又一空紅橋隔水度琳宮懸崖好結跏趺坐傑閣須

憑絙索通當日松江鐵鎖斷藏壑孤舟早離岸雲根百
尺繞曇華往事銷沉徒浩歎我來追憶少年遊山尚青
蒼人白頭恰逢社日燕歸去斜陽細認鄉關樹

陶山詩錄卷十一

陶山詩錄卷十二

善化 唐仲冕 六枳

雲間集

五十七初度二首

人生難得是寬閒造物偏於老病慳
社燕壘猶懸秣下鯉魚風已送雲閒
清漳未許劉楨卧東海須容汲黯還
細雨滿城聊悵望開窓依約九峰山

湯餅今年準弄孫一麾強起又南轅
霜生鶴骨新盈鬢雪記鴻泥舊印痕
借箸嚴疆籌莫展開筵小集酒初溫
秋風辜負登高約黃菊丹楓入夢魂

鑑兒請假歸省詩以示之

抱瘵理官牘，樣楫依胥臺。親朋隔雲水，喜汝都門來。汝
膺玉署選，忝附金闥才。請假復有例，省侍容先回。雪積
冰愈厚，舟橫崖欲隕。重裘不得暖，為汝頻舉杯。科名世
常有，好趁衰顏開。翻因拜慶喜，轉動思親哀。憶余登第
日，風樹淒淒已摧。今汝亦何幸。

恩榮荷栽培，移疾倘見許。攜汝探山梅。

引疾不遂四首

朝京引分駐，鳴珂薦剡焉。知鬢已皤壯，不如人老將。及
石能生我，痰滋多吏疑。閉閣韓延壽，客愛填門馬。伏波

無病呻吟非素志其如受命飲冰何

十數年來賦伐檀那堪鱸膾入朝餐空懷江左風流易
不薄淮陽卧治難因病得閒仍自苦循名責實竟誰寬
送人作郡尋常事承乏方愁負此官

東南轉漕竭徵輸况說吳淞米似珠堪歎千艘同雀鼠
可憐百室困菰蘆調琴合以更張鼓御馬寧惟卹勿驅
濟物無才多患苦此身先共小民懼

山林痼疾結煙霞苦以無涯逐有涯牀下頻聞交鬥蟻
井中難擊不眠蛇精神已向桓侯詫血氣還將蘧子誇
欲使節宣無湫底藥籠後桂倩誰賒

次韻王鐵夫見和引疾詩四首

酒痕墨瀋滿襟裾朋舊追隨樂有餘
苦憶林泉知味永重經盤錯覺才踈
君尋高士黔婁傳我困司空城旦書
縱使腸肥身不病更將何術濟窮閭

青箱事業有真傳納祿名山積歲年
胸次自饒經世策囊中惟剩賣文錢
誰將豪舉誇驚坐敢以孱軀快著鞭
聞道陳蕃頻下榻

謂坦園太守

主持清議賴名賢

江干節序近前蓂尚倚蓬窓破曉氛
忽遇郵停青雀舫為談身陷白波軍

臺灣觀察清華為朱渥所固審為文吏聞言感泣投誠拜為義父觀察過

此為余言之

頗知賣劍民為子不畏探丸更是文
從此潢池

斷無警諸君慎勿又云云

江東米價問低昂但有投簪拙可藏海上閒雲孤鶴夢
山頭積雪野梅香雙丸易度窻間影五結難求肘後方
好句生春來黍谷不將衰白感韶光

陳桂堂見和引疾詩再疊前韻四首

十年憑軾里名珂今日掀髯也半皤長慶新篇寧有限
貞元舊士本無多春雲著手橫生態古井安心定不波
因憶攜觴香雪海未知芳信近如何

莊嚴色相奉旃檀蔬筍清齋佐午餐吾道須防戕口易
禪家頗覺制心難爭平文範鄉閭樂

桂堂近有
爭訟故云
睡愛希

夷宇宙寬笑我怯寒長瑟縮朝朝聽鼓出應官

玉塵九斛半枰輸欲覓羊鬢第二珠莫為松脂敲石髓

不干籐蔓纏

去

葫蘆元關合遣雷霆守野馬憑教日月

驅除却陰陽人事患山雌豈慮一瓢臞

小郭斜陽數落霞故人歸棹到天涯世途閱歷真談虎

晚歲功名類畫蛇朱墨笑從舟舸發

舟泊胥門四十日

銀黃空

向市關誇春來得替身應健九點青山為我賒

贈楚坦園太守

五泰

三疊前韻四首

省闈追隨聽佩珂問年同歲我先皤擁寇藥氣三冬足
欹枕鐘聲一月多最喜靈臺無芥蒂何愁宦海有風波

相從真似驂之靳峻阪鹽車奈寒何

幾度吳觥句拍檀每從文酒飫盤餐近因籌畫徵輸急
欲事從容宴會難牒上詩篇推白傅坐中風度挹劉寬
當門薤水頻相訪名譽何關事上官

方圓安得巧公輸稅外須傾萬斛珠甚欲作書與魴鱖
那堪依樣畫葫蘆十年君憶承明隔五日誰容便面驅
笑指縈鐘階下鶴未因無料已先臞

江頭飛雪雜飛霞撾鼓回颿傍渚涯書賈索錢披蝨簡

醫師留帖注龜蛇

坡詩謂
茯苓

敲冰一夜雷琅響祠竈前邛

醉飲誇小住經時憐小別泖湖寒月望中賒

喜雪四疊前韻四首

色迷曉騎不聞珂門外蒼松學我皤昨日暖從昨夜改
今年寒較去年多冰圍蘆渚舫為屋風動紙窓簾有波
兆協時豐知病減欲從賓客飲亡何

世外滄身肩白檀好和簷蔔嗅還餐冷藏生氣滋偏足
潔到無塵涅亦難幹卧蒼虬鱗甲密斲披皓鶴羽毛寬
巡檐却愛梅花瘦骨相何堪作熱官

天公慈愛有神輸三白宜農勝雨珠萬斛舳舻猶守凍
五湖鴻雁正棲蘆催租吏合綠冰阻卧雪人寧為食驅
老樹著花清不俗橫雲山骨本來臞

東風送暖入朝霞萬瓦融融溢水涯
齊負冬暄依夏屋
為題春帖走秋蛇
冰壺滋味真吾契
玉麈清談倩客誇
欲仿尖叉恣酣戰
瓶中有酒不須賒

歲朝立春五疊前韻四首

庚午

彤廷鐘動想朝珂
待漏鵷行擁國皞
圖數消寒剛六九
祥從祝

嘏正三多江鄉黍稌餘
高廩海外鯨鯢已息波
望闕微臣天咫尺
焚香數問夜如何

磬口花心色映檀香和
柏葉對晨餐年光春色誇三老
美景良辰得四難
臘雪白占新歲稔
海雲紅放曉晴寬

時和物阜寧無象愛養還須守土官

屠蘇有興未全輸燈檠高懸照夜珠
添琰釀還筍熟橘上冰鮮可釣寒
蘆風催竹爆聽雞喔日映花鞭向犢
驅多少農民猶識我十年霜鬢更清
臞

萬點寒鴉入晚霞

是日酉時立春

韶光如海望無涯綵旂乍轉

聞青鳥綬笥初開見赤蛇官似土牛鞭不動老於花勝
戴還誇江城第一傳芳訊寄到南枝路未賒

曉起即接桂堂詩札

上元舟中六疊前韻四首

紫陌齊傳寶馬珂蓬窓獨理鬢雙皤青山入夢履痕在
黃漬問津檣影多贏得漁燈明夕岸載將簫鼓盪春波

休緣行縣疑行樂甚欲遨遊奈老何

由廐山崑山入黃
濱皆十年前舊遊

今未
一登

鹿尻新餽自燕檀聊佐傳相供客餐顏為孤斟紅最易
草經寒燒綠猶難殘燈獨成水雲靜淡月一帆湖海寬
笑指江邨探亥市浮圓應節覓湯官

燈花何必鬥贏輸自有光明不夜珠半舫尚陳千卷帙

中流早備一壺蘆

是夕
舟漏

申江春色孤帆逐子夜潮聲萬

馬驅遮莫青藜欺素髮照人常作老梅隲

落燈風起赤城霞更續元宵到海涯披霧重開夷則鏡
行春似繞率然蛇塵勞我冀初衣遂病減人將健飯誇

來往却憐忙底劇輸將狼戾萬斯賒

花朝遇雨七疊前韻四首

催花使者探花珂爭奈看花人已皤花自托胎春氣足
人偏彈指歲華多雨絲小釀為湯餅雲錦新裁作衍波
此日輕寒猶料峭繡帷防護有誰何

金樽絡鼓撥沙檀尚著寒梅帶雪餐廿四番風芳有信
百花生日暖猶難青帘斜颺茅檐小紅燭高烧畫閣寬
閨苑鶴書天上至好教桃李屬春官

天香萬斛盡傾輸始信前身是藥珠堪笑短籬開枳棘
底須長柄種壺蘆梁無語燕雙扉寂牆有春駒一隊驅

惆悵池塘芳夢杳
香圍端的為誰臞

濕雲日日掩晨霞
潮湧春波隔一涯
簾外夢醒飛蛺蝶
樓頭霧散起騰蛇
先生歸也憑誰報
彼美人兮絕世誇
新霽入窓催病起
小園紅紫萬千賒

次韻題聞根清澈圖

善本聞琵琶
笑謂本領雜聒耳
多譚言何異
面囀香惟得三摩修
自有衆靈還耳觀
不受塵豈在
眈眈合山水
有清音澄澈如響答
松風萬里來羣木
總蕭颯流泉奏
鳴琴鐘鐃復鼓鞀
泉源入松根
仙人歌踏踏
松濤和瀑布
疏淪到重溓
足證聲聞果
便禮辟支塢
君今科頭坐

譁囂拒不納洋洋盡天機妙畫非傳搨聞君愛神駿縱
轡芳草匝引泉淬雙龍和松彈百衲顧我苦喧呶鬚絲
傷禪榻錫簫出芊眠羯鼓聽荅臘春游謝管弦但送麻
姑榼

題明御史馮南江

恩

詩帖

南江嘉靖時劾張孚敬
方獻夫汪鉉幾受極刑

後戍雷
州赦還

正人風骨多嶙峋吟詩作字如其人不求工巧自卓越
斷鱗零墨真跡存南江先生明御史心學陽明高弟子
一疏欲將三孽除九重不惜孤臣死奸諛但解附權相
廟堂深恐搖大禮觸邪何患逆鱗批對簿還當極口詆

疾風勁草稱四鐵二百餘年氣猶烈即看題句與揮豪
字字行行盡冰雪是時身在圍牆中游心翰墨何從容
留詒千載厲臣節豈特忠孝傳家風

海石堂八詠有序

海石堂者松江太守魯公謙庵所建王公若園重題
其額者也其石突兀玲瓏層巒疊嶂蓋宋元間自海
上移來者明嘉靖癸丑有巡按孫公慎題怪石詩刻
石上惜剝蝕不可盡辨石南有枯桐高尋丈良琴材
也旁有古藤盤拏其上若張蓋然與堂相直堂東廊
壁間嵌趙魏公所書前後赤壁賦石刻循廊而南折

而西為舫齋康茂園中丞攝郡時題曰虛舟虛舟之
北有小池池上竹數竿與池水爭綠池北即海石石
腹有坪數席皆種桃桐石之間有石橋跨池上蘚花
斑然桃陰有架接於堂簷木香藤被之其他山茶叢
桂雜卉皆環石而拱斯堂余方移病大府強起權守
是邦無毫髮裨於吏民每一動念未嘗不在泉石花
竹間也聊成八詠以寫我懷時庚午春仲

恠石

誰將九峰縮移作堂前供骨格瘦於人春雲壓來重曉
沐經新雨晴光射巖洞

枯桐

龍門高無枝一柱當門立
薜蘿如擁蓋羣鳥不敢集
天意老琴材天風日噓吸

赤壁

循廊讀殘碑恍如遊赤壁
赤壁在何許黃州亦陳迹
海鶴忽飛來煙雲落苔席

虛舟

半生涉風濤見舟輒心悸
翻愛屋如舟悠然身是寄
窻虛月未來有客攜琴遲

竹沼

曲沼抱虛亭藏雲養幽竹分得泖湖波坐待春雨足一夜籜龍生明漪浸深綠

桃溪

小桃閣春陰滿園紅未放其下已成蹊況復春如釀晴煙驗淺深一日一尋訪

蘚橋

石梁若橫蚪鱗甲卧蒼蘚數點落花紅魚戲波痕淺不畏滑難行畏踏芳茵軟

藤架

秋風翦枯藤寒廳曠空架春膏沃其根柔條茁相亞花

香行滿檐繁陰蔭清夏

題李芑海經歷

承烈

從軍圖用岑嘉州體

君不見圖中匹馬一書生
搖鞭逐隊巉巖行入雲鳥道
天一髮旌旆戈鋌齊夜發
制府軍威擄妖窟妖氛先掃
西隆州裸苗乞命爭來投
紅水江上曉椎牛粵北黔南
阻八渡從天而下赤幟豎
面縛渠魁飛露布昔我往矣
柳依依班師已及霜雪霏
翩翩記室鎮相隨日日軍書
十二卷盾墨淋漓瞬馳傳
論功不改書生面借問短衣
從者誰棠陰春滿湖上祠
至今人泣峴山碑廣文遷作
郡僚友伏櫪雄心猶在否
一首新詩一杯酒

上已看梅

老梅遲我花不放，知我深怯寒。
為憇暮春之初，春服成。
忽報香葩正酣暢，出城有約。
問園亭到門，相戒屏騶仗。
元纁合向申公迎，丹墀還容馬。
爰訪其材，百折猶輪囷。
此老一生真倔強，虎蹲虬卧。
鶴遠盤覩茲枝幹，已神王。
況當明媚吐冰雪，冷艷豈借春風。
釀山中那有三月梅。
世外欣叨一日，既清譚共喜。
玉屑霏小飲，莫認梨雲盞。
采蘭贈芍，徒紛紛靜裏形骸休。
放浪他時，重篤歲寒盟。
此日仍推丈人行。

上巳後一日遊辰山佘山四首

忽發游山興先伸式墓心屏朝雙節壯新廟一林深

王述

卷司寇陳桂堂太守新建陳夏二公祠於皇甫林

文選原同社湘累豈獨沉花

飛寒食路並命有鳴禽

彭咸不可作粥鼓聽神鼉

辰山神鼉仙館為彭仙遺跡

俗吏未歸去

仙人將若何雲移孤岫近風入細林多憑檻延幽賞巖

花映薜蘿

機榜園亭敞三峰四面峰登樓讓紅袖攜榼倚蒼松不

信山人筆能追高士蹤

王氏園皆山間陳眉公題

壺觴殊草草貪看

玉芙蓉

誤踏東巖石回頭慧日西

余山宣妙寺

參天羣木碧掃地一

僧薰

詩舊名若帝庵

筍籜攢將徧茶槍出未齊水邊與林下桃

李白成蹊

是日游船士女最盛

次韻伍堯梧門庶子見贈之作

久宦嬰沈痼常懷故山廬如何隨計帳似買求贏餘且
喜入京華或可償詩逋步履小西涯老樹何蕭疎相見
各言疾一笑還索獻館閣與州郡荏苒皆白鬢清濁雖
有異同為勞其軀念我四三友生年癸酉俱強者弱一
介謂謝薌泉況強不若渠所須惟藥物何必氏倉庾問余何
所病司空城旦書治河與轉漕無策堪發櫪陳力合知
止蕭散全吾櫓公亦謝令僕欲跨襄陽驢酬對古名流

欲龕興不欲

次韻梧門香泉篇

茶陵三百年一朝表精英非公訪畏吾馬鬣都削平湘
鄉謝薌泉相與觀厥成井未浚一眼書已藏雙楹留金
事疏鑿如拜耿恭營灌溉長松栢蒙龍茭棘荆蘆沙少
甘洌汲綆懸從橫脉通天階乳氣應雨師檀昔我曾共
謁花木纔抽萌今來際嘉會岑蔚礙人行依眉窺深甃
數仞懷怍怍人言侶醴泉馨香感神明因憶前度客逝
水悲浮生調薌泉及何蘭士奠醑及亡友先後同其情讀公香
泉篇酌以冰甌傾泉耶抑人耶千秋飲香名

疊韻十年前題孫淵如觀察虎邱留別圖二首有

序

嘉慶辛酉淵如宴客虎邱時余方宰吳以趨公未赴
命兒子鑑往從之游淵如有圖余為題詩二首稿已
佚矣已巳歲淵如觀察德州與吳山尊學士商追和
寄金陵余病未能訓也今年入都過平津館復出此
冊屬和因補疊前韻

捲起江天萬幅雲九光十采幾人分裁成紋縷金花鱗
化作香篝繡被熏三尺官書常溷我一時名士盡從君
十年前憶聯裙屐遲客停杯到夕曛

君家香火占仙岳世事推遷說楚九

佳時欲以虎邱一榭園建孫子祠主

者未許閱數年卒持節重叨

歸觀察今祠成矣

觀察又於祠旁為其

上梁新喜燕泥銜頗憐兒

輩推前輩頻寄詩函到枕函見說承明歸去早

謂山卜

鄰邀笛住征帆

陶山謁祠展墓二首

四十年來櫟楠新異邱同几為依神青山爭指眠牛地
黃髮當初騎竹人合葬難遷非反古奉嘗無懈不如民
少游守墓平生志底事風塵老此身

手捧

恩綸到翠微非煙深護舊巖扉霜林曉日烏先起華表
秋風鶴未歸重繭孤雲依丙舍寸心衰草戀春暉此來
松柏纔垂蔭周道還催四牡駢

楊柳枝詞

和辟閒朱小珊韻

黃金萬縷拂章臺移向郵亭夾路栽不是東風舊相識
腰支細舞為誰來

灞橋一別度關河眉有青山臉有波底事長條偏館客
黃驄來就綠陰多

蘇臺集

木蘭堂

洞庭波泛水蘭船
水蘭花發華堂前
船上看花人不識
堂前題筆誰能傳
昔人已鼓木蘭桹
此地長吟魯望篇
我向虛堂覓花樹
征帆斂駐感流年

池上草堂用韋蘇州池上懷王卿韻

閒庭廢䟽理霜重摧林芳行散偶涉目暮鴉啼寒塘燕
遊憶歲遠居止逢月陽翻與園亭踈
晚晚鬢已蒼陳迹
感今昔名賢曾詠觴亦有懷人句天末憑誰將

擬韋蘇州郡齋雨中與諸文士燕集即次其韻

凍雨灑虛牖幽梅綻微香佳客聯襟至高談無燠涼勞
生得良會蟋蟀方在堂況逢年屢豐正喜家平康開樽

素心集開閣塵事忘芝英采可餌瓠葉酌言嘗高士水
一盂同寮板三章昔年羣俊髦振翮爭翱翔故人盡霜
鬢詞翰何洋洋方知歲寒友奚必尋辟彊

石室傳經圖

海州學正翁咸封遺像

寶劍日鏘澀開函自慚忸中有故人心掩抑嗟已久琴
川翁先生文學推祭酒經師兼人師直友亦諒友曰余
初領州亢膜及澤藪振卹憑鉤稽豪釐絕欺負東海隔
河淮試士苦奔走寒儒每却步科名多不偶與君建書
院鼓篋資啟牖因之成試屋學使就甄取如彼械櫟然
先生實薪槓在余若稽田二耜得良耦秩滿敢蔽賢志

篤仍墨守有子能傳經一室親授受猶憶作圖時適我
移官後索題已心許何惜享敝帚豈意人悲墓銘落
吾手圖上牽衣郎問字到衰叟感逝在寢門久要懷座
右披圖涕泗橫寒窻落星斗

雜詩三首

養疾如養蠶避風藏密室量腹節所受曝背戒弗出吐
絲徒自縛衣人無尺帛自笑不如蠶養之復何益

求友如求醫鍼砭起沉痾苟非醫之良多為藥所誤和
扁既來視膏肓莫迴護護疾疾日深護過過成故害身
與害心輕重宜自喻

望雪如望恩恩澤期汗漫如何兼白雪反起祁寒怨行者怨無裘居者怨無炭豈知受厥明樂歲足餐飯天地為至仁猶難滿人願民可使由之煦煦生狎玩

次白香山歲暮寄微之三首韻寄鐵夫

晚歲寒風頻請急應時甘雪強消愁豪情漸減同殘臘華髮新增欲滿頭鶴氅蒙矜驚入柵犧樽藻繪羨投溝非關作吏懷高隱無術宜民媿此州

病似憎官發作頻溫涼藥餌費調均庸工誤損三焦氣大吏能容十笏身猶子從孫來煖熱梅花柏葉作比隣俸錢未了崢嶸事官舍曾無徧謫人

政似農功戒越思料量朱墨竟何為山中欲問楞伽字
袖裏還攜白傅詩羣彥汪洋談藝地萬家辛苦納租時
抱兒拔薤勞相勸感歎積齡獨聚眉

迎春遇雪

辛未

拂面東風綺陌迴祥雲深處是熙臺年先綵仗經旬度
春自瑤京匝地來池鯉凍藏乘暖躍嶺梅寒鎖待晴開
攝官自媿龍鍾甚祇為時和酌一杯

鞭春喜晴

寒送年除暖復迎一犁殘雪報新晴泥塗彩為春光畫
祠祝文從曉夢成芻牧當求牛耳濕蒲鞭不用犬羆生

追思十載聽衙鼓竹馬節鳩僖有情

別吳門二首

來何遲遲去何速難進易退殊碌碌來如闕左驅從軍
去如學僮閒放塾劇郡本非撥煩選巖軀況以負茲促
及於寬政招我弓深恐嚴刑覆公餗民隱與我同呻吟
但亭疑法何堪錄一朝重擔容弛肩千里輕帆難住足
送者皆自崖邊反行矣寧忘桑下宿

往年作令遷官去浹辰祖帳花飛路今年試守得替行
寒梅未放春江樹搢紳耆艾遮余言曷弗金昌聊小住
豈知廿載膺拊循曾無一事澤黎庶往時尚諉權稍輕

今日真知才失據吳中財賦兼文儒養教有方在仁恕
敗羣雖許羊後鞭蓄力須勤馬前馭大府廉正懸官箴
吾儕齷齪媿民譽便從休沐得投閒莫訝迴船似乘遽

陶山詩錄卷十二

吳門有程齋

卷十二